

Masterske džěło předstajila

Prawa Serbow při zachowanju přirodnych žiwjenskich zakładow kaž k znawadopcěcu po kóncu wudobywanja brunicy su člonoj Serbskeho sejma na swojim sobotnym online-posedźenju rozjimali. Nimo toho zhonichu wo jara zajimawym masterskim džěle Klary Nagelojc.

Budyšin (SN/at). Hromadže z Johannesom Rohrom z Instituta za ekologiju a akcisku etnologiju z Kölna a Karstenom Smidom z organizacije Greenpeace su sejmarjo prawa Serbow rozjimali, džěli wo to, jich přirodne žiwjenske zakłady zachować resp. po kóncu wudobywanja brunicy znawa docpěć. Kaž Serbske Nowiny z kruha wobdźělnikow zhonichu, su rozmołwnicy zdomom na wažne móžnosće jednanja pokazali. Tak měli na přikład nuznje za to skutkować, zo maja so po principje zawinowarja zarunanske plaćenja, kotraž je stat před něšto dnjemi koncernej Łužiska energija a milinarnje (LEAG) připrajił, za naslědne scěhi jeho wobchodniskeje džělawosće před insolwencu wěsće wróćo stajić a nimaja so jako profit wotčahnyć.

Za člonow Serbskeho sejma je zajimawe wědžeć, zo je so Klara Nagelojc we

wobłuku swojeho masterskeho džěla „Konfiguracije statnosće, kolektiwnosće a teritorialnosće w džěle Serbskeho sejma“ na Berlinskej Humboldtowej uniwersite ze skutkowanjom gremija rozestajala. Swoje wupłydy je Nagelojc sobotu předstajila, z čehož wuwi so mnohe wažne nastorki posrědkowaca diskusija za dalšu džělawosć sejma, ale tež za jeho wobstajnu samorefleksiju, kaž wobdźělnicy rozprawjachu.

We wobłuku wobsahowych diskusijow wo wjacorych aktualnych temach kaž tež wo džěle jednotliwych wuběrkow Serbskeho sejma přiwobročichu so wobdźělnicy wospjet kubłanju. A to nastupajo přiběracy wotchad serbskich wučerjow na němske šule a z nim zwisowace dalše woslabjenje hižo tak a tak přestabeje personalneje zestawy. Tu je po słowach sejmarjow trjeba, přičiny zwěsćić a je wotstronić. Z Drježdžan su pozitiwne powěsće slyšeli. Džak zaměrnej prócy towarstwa Stup dale budže bórže móžno 26 šulerjam serbsčinu podawać.

Sejmarjo wothłosowachu nimo toho wo dalšich naprawach k zachowanju Miłoraza a wokolneje kulturneje krajiny a rozjimachu konsekwency z noweho rozhłosoweho statneho zrěčenja MDR.